



Partnarskapsavtale

mellom

Hordaland fylkeskommune og Reisemål Hardangerfjord

1. Formål

Hordaland fylkeskommune og Reisemål Hardangerfjord skal samarbeide om å styrke det regionale næringsutviklingsarbeidet knytt til reiseliv i Handlingsprogram for næringsutvikling i Hordaland (HNH).

2. Målsettingar

Partnarskapsavtalen skal medvirke til å realisere fylkeskommunale mål og strategiar for næringsutvikling knytt til reiseliv slik dette er formulert i gjeldande regionale planar på området, med særleg vekt på innsatsområda i HNH. I dei årlege tildelingsbreva frå fylkeskommunen kan dette bli nærmare presisert.

Partnarskapen skal også medverke til å nå Reisemål Hardangerfjord sine mål om å styrke medlemsbedriftene i selskapet.

3. Reisemål Hardangerfjord sine oppgåver og bidrag i partnarskapen

Reisemål Hardangerfjord skal som ein del av sitt virke:

- Auke fokuset på felles oppgåveløysing med dei andre destinasjonsselskapa i fylket
- Kvalitetssikre vertskapsrolla i eigen region og m.a. vere pådrivar for vidareutvikling av turistinformasjon
- Delta aktivt i Forum Reiseliv og Destinasjonsgruppa
- Leggje til rette for styrking av nettverk og auke av kompetanse for bedriftene i eigen region, og rekruttere bedrifter til utviklingsprosjekt

4. Fylkeskommunen sine oppgåver og bidrag i partnarskapen

Som delvis finansiering av oppgåvene nemnt under punkt 3 skal fylkeskommunen yte eit årleg økonomisk bidrag. Dei fylkeskommunale partnarskapsmidlane skal utbetalast innan 1. april kvart år, men ikkje før rapporten for året før ligg føre og er godkjent (sjå punkt 6). Partnarskapsmidlane er ikkje til hinder for at Reisemål Hardangerfjord kan søke prosjektfinansiering til konkrete utviklingsprosjekt.

Fylkeskommunen deltek på administrativt og/eller politisk nivå i aktivitetar og prosjekt som partnaren er ansvarleg for etter nærmare avtale.

Der kor det er naturleg, skal fylkeskommunen medverke til at partnar kan dra nytte av dei ressursane og den kompetansen som fylkeskommunen sjølv, og fylkeskommunen sine andre samarbeidspartnerar rår over.

5. Organisering av arbeidet

Det blir lagt til grunn at arbeidet blir gjort i nært samarbeid med administrativ leiing i fylkeskommunen. Arbeidet skal også koordinerast med tiltak starta i regi av Destinasjonsgruppa slik at ein kan hente erfaring

frå tilsvarende satsingar og unngår dobbeltarbeid. Ut over dette er det opp til partnar å avgjere kven dei vil samarbeide med og korleis dei vil organisera og drive arbeidet.

6. Rapportering

Fortløpende rapportering og dialog skjer gjennom regelmessige møte mellom partnar og fylkeskommunen, likevel minst 2 gonger pr år.

Innan 1. mars kvart år skal Reisemål Hardangerfjord sende ein kortfatta rapport til fylkeskommunen. Det skal rapporterast på gjennomførte tiltak og oppnådde resultat i høve til oppgåvane nemnt under punkt 3 og til dei mål og krav som blir sett i dei årlege tildelingsbreva frå fylkeskommunen. Rapporten skal gje ei kort oppsummering av bruken av partnarskapsmidlane i høve i aktivitet og gjennomførte tiltak.

I tillegg skal Reisemål Hardangerfjord også sende årsmeldinga og revisorattestert årsrekneskap til fylkeskommunen så snart dette ligg føre.

7. Tidslengd, beløp, oppseiing og innsyn

Denne avtalen gjeld for 2015 med eit partnarskapsbidrag på kr 130.000,-.

Det årlege partnarskapsbidraget frå fylkeskommunen kan bli justert som følge av den årlege budsjethandsaminga i fylkeskommunen og/eller som følge av endra nasjonale rammer og tildelingar til regional utvikling i fylkeskommunane. Større endringar i dei fylkeskommunale rammene for ordninga gir Reisemål Hardangerfjord rett til å seie opp avtalen.

Større endringar i organisering, eigarskap eller overordna strategi for Reisemål Hardangerfjord gir fylkeskommunen rett til å reforhandle eller seie opp partnarskapsavtalen.

Ved misleghald kan begge parter seie opp avtalen med 1 månads varsel.

Dersom Reisemål Hardangerfjord blir lagt ned eller misligheld avtalen, kan fylkeskommunen krevje heile, eller deler av, partnarskapsmidlane tilbakebetalt.

Fylkeskommunen eller fylkeskommunen sin revisor har til ei kvar tid høve til å kontrollere at vilkåra for tilskottet blir helde. Reisemål Hardangerfjord plikter å gje dei opplysningane som fylkeskommunen ber om.

Bergen 08. april 2015

For Hordaland fylkeskommune

.....
Bård Sandal
Fylkesdirektør regional utvikling

For Reisemål Hardangerfjord

.....
Hans Jørgen Andersen
Reiselivsdirektør

Brevet er godkjent elektronisk og har derfor ingen underskrift.